

David Montalà i Palau, secretari non conselhèr dera societat *Pompiers·Emergències SL*,

CERTIFIQUI:

Qu'eth Conselh d'administracion dera societat, en session ordinària de 14 de junhsèga de 2020, adoptèt er acòrd següent e que transcrit literaument ditz:

“12au.- AHÈRS D'URGÈNCIA: APROBACION, SE PROCEDÍS, DETH DESISTIMENT DETH PROCEDIMENT D'ADJUDICACION DETH CONTRACTE DETH SUBMINISTRAMENT DE *FABRICACION DE DUES AMBULÀNCIES ASSISTENCIAUS 4X4 DE SUPÒRT VITAU AUANÇAT, CLASSE C.-*

Vist er acòrd deth Conselh d'Administracion dera societat de responsbilitat limitada *Pompiers·Emergències SL* de 27 d'agost de 2019 d'aprobacion deth Plec de clausules administratives particulars e deth Plec de prescripcions techniques particulars, der expedient de contractacion, atau coma dera licitacion dera contractacion deth subministrament de “*Fabricacion de dues ambulàncies assistenciaus 4x4 de supòrt vitau auançat, classe C.*

Dat que publicat er acòrd en perfil deth contractant dera Corporacion e en DOUE se dauric eth tèrme de trenta (30) dies naturaus entara presentacion de proposicions.

Dat que finalizat eth tèrme de presentacion de prepauses cossent damb era clausula 8au, còsten presentats en Registre d'Entrada d'aguesta Corporacion es següents TRES (3) licitadors:

1. Registre d'Entrada num. E/5652-2019 de 08/11/2019: *UTE SUMINISTRO AMBULANCIAS VALL D'ARAN*
2. Registre d'Entrada num. E/5656-2019 de 08/11/2019: *DLOUHY GmbH*
3. Registre d'Entrada num. E/5686-2019 de 11/11/2019: *LOST SIMETRY SL*

Vista era acta dera mesa de contractacion de 24 de gèr de 2020, ena quau se prepausa qu'era contratacion se hèsque en favor dera empresa *LOST SIMETRY SL*.

Vist er acòrd deth conselh d'administracion d'11 de hereuèr de 2020 de requeriment ara empresa *LOST SIMETRY SL* dera documentacion de besonh entà procedir ara adjudicacion deth contracte.

Vist qu'era contractacion d'aguest subministrament venguie finançada pera Diputació de Lleida mejançant un ajut dirècte laguens dera linha d'ajuts entà inversions sanitàries autreat per Junta de Govern 25/2018, de 9 de junhsèga de 2018, eth tèrme de justificacion deth quau finís abans dera complèta execucion deth contracte finançat, sense possibilitat de prorròga, çò que signifique que manque eth finançament d'aguesta licitacion.

Vist eth besonh deth subministrament urgent d'enquia cinc ambulàncies entà corbir ua doble mancança; per ua part era substitucion de cinc veïculs d'aguestes caracteristiques era vigència dera targeta de transport des quaus finís, e per ua auta part, complementar e corbir eth servici pròpi d'aguesta societat coma responsa as darrères modificacions normatives ena matèria, per çò que se requerís de celeritat ena tramitacion dera naua licitacion que calerà daurir.

Cossent damb çò expausat e visti es articles 39.2.b), 152 e concordants dera Lei 9/2017, de 8 de noveme, de Contractes deth Sector Public, se prepausa ath Conselh d'administracion eth

desistiment dera nomentada licitacion atau coma era delegacion de competències en president dera societat entara naua licitacion d'ambulàncies.

Un viatge sosmetuda era prepausa a votacion e debat, s'obtien **ueit (8) vòts a favor** deth president e des conselhèrs Mgfca. Sra. Maria Vergés Pérez, Mgfca. Sr. Francisco Bruna Capel, Mgfca. Sr. Amador Marqués Atès, Mgfca. Sr. César Ruiz-Canela Nieto, Plan Iltre. Sr. Andreu Cortés Labrid, Sra. Ma. Àngels Borràs Hurtado e Sr. Juan Antonio Sánchez Alarcón, pera quau causa s'acòrde per *unanimitat* des ueit (8) membres presents deth totau de nau (9) que formen aguest organ collegiat:

Prumèr.- Desistir dera licitacion deth subministrament de *FABRICACION DE DUES AMBULÀNCIES ASSISTENCIAUS 4X4 DE SUPÒRT VITAU AUANÇAT, CLASSE C*, mejançant procediment dubèrt subjècte a regulacion armonizada, damb tramitacion ordinària, cossent damb çò previst enes articles 39 e 152 dera Lei 9/2017, de 8 de noveme, de Contractes deth Sector Public, per insufisència de credit, çò que da lòc ara nullitat de plen dret dera nomentada licitacion.

Dusau.- Notificar aguest acòrd as empreses interessades as efèctes de dar compliment ar acòrd anterior.

Tresau.- Publicar eth desistiment deth procediment de contractacion en DOUE, en DOGC e en perfil deth contractant.

Quatau.- Delegar en president dera societat era competència entà actuar coma organ de contractacion ena licitacion deth subministrament de *FABRICACION DE CINC AMBULÀNCIES DE DIUÈRSES CLASSES*, licitacion que calerà aprovar en tèrme maxim de sies (6) mesi a compdar dera adopcion d'aguest acòrd.

Cincau.- Facultar ath president dera societat, Mgfca. Sr. Francés X. Boya Alós, en nòm e representacion dera societat, entara signatura de toti es documents publics e/o privats que siguen de besonh entà hèr efectives era tramitacion e execucion des acòrds anteriors."

Eth tèxte definitiu d'aguest acòrd serà çò que resulte dera aprobacion dera acta.

E, entà qu'atau cònte ar efècte oportun, signi aguest certificat d'orde e damb visteplatz deth President dera Societat.

Vielha, *signat electronicament*

Vist e platz
Eth president

Francés X. Boya Alós